



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

De Ecclesia, Qvæ Est in Pvrgatorio

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

XV. Suffragia Ecclesiæ defunctis prodesse.

[urn:nbn:de:hbz:466:1-53890](https://nbn-resolving.de/urn:nbn:de:hbz:466:1-53890)

TERTIO, quia licet sit quæstio; An pœna Purgatorij semper crucient &què grauiter, ab initio vsque ad finem purgationis? An verò paulatim minuantur, donec finem accipiant? tamen probabilior sententia est, paulatim remitti; hinc autem sequitur, non quamlibet Purgatorij pœnam esse maiorem maxima pœna huius vitæ; nā pœna illa Purgatorij, quæ est prope finem, debet esse adeò remissa, ut amplius remitti non possit; hīc autem pœnæ inueniuntur intensissimæ, quæ plurimū remitti poscent.

Quod autem pœna Purgatorij paulatim remittatur, probatur; nam S. Bernardus in vita S. Malachiæ scribit, oranti Malachiæ pro sorore defuncta, ipsam defunctam ter apparuisse. Primo, in veste nigra, & extra Ecclesiam. Secundo, in veste subfuscâ, & intra limen Ecclesiæ. Tertio, in veste alba, & ad ipsum altare cum ceteris Sanctis. Ex quibus ipse intellexit animam sororis paulatim remittentibus se pœnis ad finem purgationis venisse. Et similes multæ visiones adferri possent.

CAPVT XV.

Suffragia Ecclesiæ defunctis prodeſſe.

VATVOR explicanda sunt de suffragiis defundorum. PRIMVM, an suffragia viuorum prosint defunctis. SECUNDVM, quot sint genera suffragiorum. TERTIVM, à quibus fieri possint. QUARTVM, quibus prosint.

De PRIMO, hæretici huius temporis omnes, & alij veteres, quos citauimus initio huius disputationis, negant, probare defunctis viuorum suffragia. Quod autem prosint, probari potest Scripturis, Conciliis, Patribus, & apparitionibz animarū, quæ omnia peti debent ex prima quæstione. Quibus addenda est ratio, quam tunc non attulimus, quia præsupponebat Purgatorium esse, quod nondum erat demonstratum.

Ratio est Petri Cluniacensis in epistola contra Petrobrianos: Ecclesia tota est vnum corpus, cuius caput est Christus, ergo debet habere communicationem tam capitum cum membris, quam membrorum inter se; nam, ut dicitur I. Corin.

rinth. 12. pro inuicem sollicita sunt membra, & si quid patitur vnum membrum, compatiuntur omnia membra. Sed iusti defuncti sunt membra huius corporis; nam sunt colligati nobiscum & cum Deo in fide, spe, & caritate. vnde B. Augustinus lib. 20. de ciuitate Dei, cap. 9. *Neg, enim, inquit, priorum animæ defunctorum ab Ecclesia separantur, qua est regnum Christi;* igitur viuentes possunt ac debent iuuare defunctos, vt membra eiusdem corporis. Præterea Christus, qui caput est, profuit viuēs in terris viuentibus, mortuus mortuis, viuens mortuis, & mortuus viuentibus; ergo etiam decet, vt membra inter se ita agant, vt iusti viuentes viuentibus, mortui mortuis, viuentes mortuis, & mortui viuentibus prosint.

Ac primū, quod Christus viuens profuerit viuentibus, patet, quia remisit peccata Magdalena Lucæ 7. Paralytico Matth. 9. Zachæo Lucæ 19. Petro Lucæ 22. Latroni Lucæ 23. curauit etiā corporaliter plurimos, vt dicitur Marci 1. Actor. 10. & alibi. Q uod mortuus mortuis, patet; nam descendens ad inferos, soluit plurimos à doloribus inferni, vt dicitur Actor. 2. & simul aperuit sepulcra, & multa corpora Sanctorum excitauit, Matth. 27. Q uod viuens mortuis, patet; nam puerilam in domo, adolescētem in via, Lazarum in sepulcro mortuos reuocauit ad vitam, Matth. 9. Luca 7. Ioan. 11. Q uod denique mortuus viuis, patet; nam morte suavitam nobis æternam promeruit, & nunc in cœlo semper interpellat pro nobis, & aduocatum nostrum agit, Hebr. 7. & 1. Ioan. 2.

Probatur T E R T I O & vltimo; nam ex quatuor membris diuisionis, tria sunt certè manifesta, ergo & quartum debet habere locum; nam quod viuentes iuuentur à viuentibus, nemo negat, cùm videamus doceri, instrui, pasci verbo & Sacramentis alios ab aliis. & Iacobus dicit cap. 5. *Orate pro inuicem & saluemini.*

Quod etiam mortui mortuis prosint, patet; nam Heliæus mortuus mortuum alium suscitauit, 4. Reg. 13. & Abraham mortuus in sinum suum Lazarū mortuum recepit, Luca 16. Nec ulli dubium esse debet, quin Sanctorum defunctorum animæ cum Christo regnantes, orent pro Sanctorum animabus in Purgatorio laborantibus; cuius contrarium temere asserit Dominicus à Soto lib. 4. sentent. dist. 45. quæst. 3. art. 2. nam præter Petrum Cluniensem loco notato, B. Augustinus

gustinus libro de cura pro mortuis , cap. 4. ad hoc dicit pro-
delle mortuis sepulturam in Basilicis Martyrū , vt qui recor-
datur mortui , simul recordetur Martyris , & eius precibus
mortui animam commendet : & Ecclesia tota in illa oratio-
ne; Deus venia largitor , &c. supplicat Deo , vt B. M A R I A in-
tercedente , & omnibus Sanctis , animas defunctorum ad per-
petuæ beatitudinis consortium peruenire concedat .

Quòd autem mortui profint viuentibus , patet ; nam 2. Ma-
chab. 15. legimus , Oniam & Hieremiam iamdudum defun-
ctos , visos fuisse orare pro populo Iudeorum viuentium
P O R R O beneficia exhibita à sanctis defunctis , hominibus
hīc viuentibus , innumerabilia & certissima sunt . Vide Augu-
stimum lib. 22. de ciuitate Dei , cap. 8. & Theodoretum in libro
de Martyribus . Non est incredibile , etiam animas Purgato-
rij pro nobis orare , & impetrare , quandoquidem anima Pa-
schasij & S. Seuerini miracula operabantur , etiamsi in Pur-
gatorio degerent , vt patet ex Gregorio lib. 4. Dialogorum
cap. 40. & Petro Damiano in epistola de miraculis sui tem-
poris .

Et quanquam S. Thomas in 2.2. quæst. 83. art. 11. ad 3. co-
trarium docet , tamen ratio eius non conuincit ; nam si ani-
mæ illæ non orant pro nobis , vel causa est , quia non vident
Deum , vel quia sunt in maximis tormentis , vel quia sunt no-
bis inferiores , sed nihil horum dici potest . Non P R I M U M
quia tempore veteris Testamenti orabant Sancti defun-
cti pro viuis , vt patet ex lib. 2. Machab. cap. vlt. cùm tamen ne
illi vidererent Deum .

Non S E C U N D U M , quia diues in inferno orabat pro frar-
ibus suis , Lucæ 16. cùm esset tamen in maioribus tormen-
tis , quām sint animæ in Purgatorio . Præterea Martyres in
hoc mundo in tormentis constituti orabant pro se , & aliis ,
patet de S. Stephano , Acto. 7. Item dolor animabus non per-
turbat ullo modo iudicium rationis , nec impedit affectum
bonum voluntatis ; ita enim nobis accidentur ratione corpo-
ralium organorum , quibus illæ carent Denique , non videtur
dubium , quin pro seipsis orient , non obstantibus tormentis .

Non etiam T E R T I U M , quia in hoc mundo nos oramus
pro Episcopis & summis Pontificibus , qui sunt nobis supe-
riores , & etiam oramus pro illis , quos non dubitamus nobis

esse sanctiores, sicut orabant Christiani olim pro Apostolo Paulo, qui eorum orationes petebat, Rom. 15. & alibi.

Præterea, animæ Purgatorij etiam si nobis sunt inferiores ratione pœnarum, tamen superiores sunt ratione gratiæ & caritatis, in qua iam confirmatae sunt; oratio autem, quæ ex caritate procedit, hanc potissimum superioritatem requirit, si ullam requirit, ergo probabile est eas pro nobis orare. Sed quanquam hæc vera sint, tamē superfluum videtur ab eis ordinariè petere, ut pro nobis orient: quia nō possunt ordinariè cognoscere quid agamus in particulari, sed solùm in genere sciunt nos in multis periculis versari, sicut nos de illis solùm in genere scimus eas valde torqueri; nam nec rebus nostris intersunt, ut probat B. Augustinus libro de cura pro mortuis, cap. 13, nec in Deo orationes nostras vident, cum nō sint beatæ, nec est verisimile eis reuelari ordinariè, quid agamus, vel petamus. Si ergo viui profundunt viuis, mortui mortuis, mortui viuis, cur non etiam prodesse poterunt viui mortuis?

Supereft argumenta soluere, quæ restant, præter ea, quæ fecimus in prima & secunda quæstionè. Argumentum PRIMVM, Eccles. 9. *Vinētes sciunt se morituros: mortui autem nihil nouerunt amplius, nec habet ultra mercedem, nec partem in hoc seculo in opere, quod sub sole geritur.*

RESPONDEO, loquitur Sapiens de bonis huius vitæ, & vult dicere, mortuos non scire, quid agatur de rebus, quas h̄ic reliquerunt, nec posse illis vti propria actione, ut comedendo, bibendo, eleemosynas faciendo, &c. Ideò sequitur: *Vade ergo, & come in latitia.* non tamen hinc concluditur, quin à nobis iuuari possint.

SECUNDO, obiicit Caluinus præfatione institutionis Ambrosium, qui lib. 1. de Abraham, cap. 9. *Docemus, inquit, & non diuersos inheremamus mortuis, sed quantum satis est officij, deferamus.* Hoc non faciunt, inquit Caluinus, qui perpetuam de mortuis solicitudinem gerunt.

RESPONDEO, Ambrosium h̄ic agere de luctu & pompa funeris, quam meritò vult esse moderatam; quod autem non prohibeat solicitudinem orandi pro defunctis, patet ex oratione ipsius de obitu Valentini iunioris; nam in fine allocuens Gratianū & Valentinianum defunctos, ait: *Beati ambo, si quid mea orationes valebunt, nulla dies vos silentio preteribit,*

KKKkk

teribit,

teribit, nulla nox nō donatos aliqua precum mearum contexione transcurret, omnibus & os oblationibus frequentabo.

T E R T I O, obiiciunt Hieronymum, qui in cap. 6. ad Galat. exponens illud, Vnusquisque onus suum portabit: Docemur, inquit, per hanc sententiolam nouum dogma, quod latitudinum in praesenti seculo sumus, siue orationibus, siue consilii inuicem posse nos coadiuvari: cum autem ante tribunal Christi venerimus, non Job, non Daniel, nec Noe rogare possemus pro quoquam, sed unumquemque portare onus suum. Hæc autem Hieronymi sententia ab Ecclesia approbata videtur, quippe quæ in decretum Gratiani can. In praesenti, 13. quæst. 2. iam dudum relata est.

R E S P O N D E O, Hieronymum loqui de iis, qui mortaliter peccant, & sine pœnitentia moriuntur, ut Gratianus annotavit. Vel dicendum, Hieronymum loqui de nouissimo iudicio, quando cessante Purgatorio cessabunt etiam suffragia, & solùm iudicis ultima sententia exequutioni mandabitur. Quod ita sit Hieronymus intelligendus, patet ex libro ipsius contra Vigilantium, vbi grauiter accusat Vigilantium, quod dicitur, posse nos orare pro inuicem dum viuimus, post mortem autem nullius pro altero orationem audiendam.

Q U A R T O, ita ratiocinantur: Melius est perse, quam per alium satisfacere; minus enim beatur qui per alium, quam qui per se satisfacit, ergo non debemus orare pro defunctis, ne illis gloriam minuamus.

R E S P O N D E O, in hac vita melius est perse satisfacere, quia per alium, quia dum satisfacimus, simul meremur gratiarum gloriæ augmentum; at in Purgatorio, vbi animæ non possunt mereri, non est melius satisfacere perse, quam per alium.

Q V I N T O; Nescimus, inquiunt, vbi defuncti nostri sunt, & saepè dum putamus eos in Purgatorio esse, illi sunt in inferno, vel etiam in cœlo, ergo frustra oramus.

R E S P O N D E T Augustinus libro de cura pro mortuis, capite ultimo, melius esse, vt supersint suffragia iis, qui non egent, quam vt desint iis, qui egent; sicut benefacimus in iustis in hoc mundo, ne prætereatur iusti. Adde, quod opus bonum nunquam est frustra; nam est meritorium facienti, etiam si nihil prodesset ei, pro quo fit.

SEXTO

S E X T O, Dei iustitia reddit mala pro malis, bona pro bonis, sed nemo patitur pro culpa alterius, quia non portabit pater iniquitatem filij, Ezech. 18. nemo igitur debet frui bonis alienis.

R E S P O N D E O, neminem pro culpa alterius puniri, nisi particeps sit eiusdem culpæ, vel consensu, vel imitatione. De talibus enim dicitur Exod. 20. Deus punit peccata Patrum in filiis in tertiam & quartam generationem; quod intelligitur, quando filii imitantur parentes, ut exponit Hieronymus in cap. 18. Ezech. Augustinus in Psal. 108. Chrysostomus homil. 29. in Genes. & Gregorius lib. 15. moral. cap. 22. ita ergo non est absurdum, aliquem frui bonis alterius, si cum vtriusque consensu & voluntate fiat, ut hoc loco; nam animæ Purgatorij cipiunt iuuari, & nos volumus eas iuuare; præterea punire unū pro alio, iniustitia est; at acceptare bona vnius pro altero, misericordia & liberalitas est.

CAPVT XVI.

Quot sint genera suffragiorum.

V A N T V M ad SECUNDVM, tria sunt genera suffragiorum: Sacrificium Missæ, Oratio, & opera quælibet pœnalia & satisfactoria, ut eleemosyna, ieiunia, peregrinationes, & similia. Porro distinguimus orationem ab operibus satisfactoriis, cum tamen etiam ipsa sit satisfactoria, quia oratio duobus modis iuuat defunctorum animas; uno modo, ut opus quoddam pœnale & laboriosum, & hoc modo poterat comprehendendi sub opere satisfactorio; alio modo iuuat, ut est imperatoria, quod est ipsi orationi proprium; quomodo etiam Beatorum orationes prosunt nobis, & animabus Purgatorij, licet satisfactoriæ non sint.

Ad hæc iuuantur etiam defuncti indulgentiis, sed ideo non faciunt illæ quartum genus suffragiorum, quia indulgentia nihil est aliud, quam applicatio satisfactionum, seu pœnalium operum Christi & Sanctorum, defunctis. Nam idcirco dicuntur indulgentiæ concedi defunctis per modum

K K K k k 2

suffra-